

Hunderttausend Jecke

Musik & Text Björn Heuser / Verlag:

Kum ich schlaach noch ens die decke Trumm,
su wie do't immer maats,
un drinke noch ne letzte Schluck op dich.

Dinge Lappemann es längs verstöbb,
un ding Uniform joot verstaut,
nur die Bild litt noch he om Köschedesch.

Kohm alles anders als et sullt,
un du wors et nit ens Schuld,
op einmol kohm der Vollidiot
met Volljas op dich drop...

**Wenn et Trömmelche jeiht hüür ich ding Siel,
un jede Tusch un jed Raket deit mer wieh.
Och wenn he hunderttausend Jecke
su durch die Stroße trecke,
der Jeckste vun all dänne der wors du.**

Der Anrof wor der jrößte Schock,
ding Frau wor noch bei dir,
se kunnt kaum spreche,
saat nur "stell d'r vüür" ...

An nem Mettwochovend koot noh ein,
dabei wor die Naach ech schön,
do häts et selvs nie jejläuv – et letzte Bier.

Häs nochjesaat "Jetz aff noh Hus",
ich han noch vill vüür, muss fröh erus,
op einmol kohm der Vollidiot
met Volljas op dich drop ...

Wenn et Trömmelche jeiht ...

Der Doktor stand am Stirvebett,
saat leis "et deit mer Leid"
et Leech jing us, e Lääve wor vorbei...

Ne Volljesoffne, Durchjeknallte
Setz bei d'r Polizei, hä kräät et nit ens met,
un zeich kein Reu'...